

**ଏପିସିୟ ମଣ୍ଡଳୀର ବିଶ୍ୱାସୀମାନଙ୍କୁ
ପାଠଲକ୍ଷ୍ୟ ପତ୍ର
ଏପିସିୟ ମଣ୍ଡଳୀର ବିସ୍ତୃତୀମାନଙ୍କେ
ପାଠଲ୍ ଚିଠି ଲେଖିଲାଟା
ଏ ବଇର ବିସଇ ଜାନୁବୀଟା**

ଏପିସିୟ ମଣ୍ଡଳୀର ଲକ୍ଷ୍ୟମାନଙ୍କେ ପାଠଲ୍ ଲେଖିରଇଲା ଚିଠି ପାକାପାକି ୬୦ କିରିସ୍ତାଦ ବିତ୍ତରେ ଲେକାଅଇରଇଲା । ଏଟା କଲସିଅ ମଣ୍ଡଳୀର ଲକ୍ଷ୍ୟମାନଙ୍କେ ଲେଖିରଇଲା ବେଲେ ଲେକା ଅଇରଇଲା । ଜେ ଏ ଚିଠି ଲେଖିଲା ଆତେ, ସେ ନିଜେ ପେରିତ୍ ପାଠଲ୍ ବଲି ଜାନାଇଅଇଲା ଆତେ ୧:୧ । କଲସିଅ ବଇଟାନେ ନିଜେ ଜାନାଇ ନ ଅଇରଇଲେ ମିସା କେତେଟା ପଣ୍ଡିତମନ୍ ଏପିସିୟ ବଇ ପାଠଲ୍ ଲେଖିଲାଆତେ ବଲି କଇବାଇ । ଏଟାରପାଇ ସବୁ ମଣ୍ଡଳୀକେ ଚିଠି ବାଟ୍‌ବା ଆଦେସ୍ ନେଇକରି ଲେକାଅଇରଇସି କାଇକି ବଲି କଇବାଇ । ପାଠଲ୍ ଏଟା ମିସା ଜାନାଇଦେଇ ଆତେ, କି ଏ ଚିଠି ଲେଖିବା ବେଲେ ସେ ବନ୍ଦି ରଇଲା । ୩:୧;୪:୧, ୬:୨୦ । ପାଠଲ୍ ତୁକିକକେ ଏ ଚିଠି ଦେଇକରି ଏପିସିୟ ମଣ୍ଡଳୀତେଇ ପାଟାଇରଇଲା ୬:୨୧-୨୨ ।

ଏପିସିୟ ଅଇଲାନି ଏସିଆ ଦେସର ଗଟେକ୍ ବଡ଼ ସଅର୍ ଆରି ରାଜ୍‌ଦାନି ରଇଲା । ଏପିସି ଗିରିକ୍ ଦେବ୍‌ତା ଆର୍ତେମିର୍ ଉପାସନା କରବାକେ ଆରି ମନ୍ଦିରର୍ ପାଇ ଡାକ୍‌ପୁଟା ରଇଲା । ପେରିତ୍ ୯:୨୩-୩୧ । ଏପିସିୟ ମଣ୍ଡଳୀ ପର୍ତୁଗୁ ଡାଟ୍ ରଇଲା, ମାତର୍ ପତେ ପତେ ଉନା ଉନା ଅଇଆଇଲା । ପର୍କସିତ ୨:୧-୭ । ପାଠଲ୍ ତାର୍ ଚିଠି ଲେଖିଲା ଅଦା ବାଗେ ପର୍ମେସର୍ ତାର୍ ଲକ୍ଷ୍ୟମାନଙ୍କେ କେନ୍ଦ୍ର ବାଟ୍‌ଲାଆତେ ଆରି ଜିସୁକିରିସ୍‌ଟର୍ ଲାଗି କେନ୍ଦ୍ରାରି ପାପେଅନି ରକିଆ କଲାଆତେ, ସେଟା ବୁଜାଇଦେଇଆତେ ।

ପାଠଲ୍ ମଣ୍ଡଳୀକେ ଗାଗଡ଼ ସମାନ୍ କରି କିରିସ୍‌ଟ ଇତିର୍ ମୁଣ୍ଡ ଆରି କନର୍ ମୁଲ୍‌ତେଲି ବଲି କଇଆତେ, ଜନ୍‌ଟାକି ସଙ୍ଗ ମିସିକରି

ବଢ଼ି ଅଦିକ୍ ଅଦିକ୍ ଅଇଲାଣି । ପାଉଲର ଚିଚିଟାଣେ ଅଦାବାଗ୍ ବିସ୍ବାସିମାନର ଜିବନ୍ କେନ୍ତାରି ରଇବାର୍, ସେ ବିସଇ ଆଦେସ୍ ଦେଲାଆଚେ ।

ଏ ବଇ ବିତ୍ତରେ ରଇବାଟା

- ୧. ପାଉଲ୍ ଜୁଆର୍ କରି ନିଜେ ଜାନାଇଅଇଆଚେ । ୧:୧-୨
- ୨. କିରିସ୍ଟର୍ ସଙ୍ଗ୍ ମଣ୍ଡଲିର ମିସାବିତା ଅଇବାଟା । ୧:୩-୩:୨୧
- ୩. ବିସ୍ବାସିର ଜିବନ୍ କେନ୍ତାରି ବିତାଇବାର୍ । ୪:୧-୬:୨୦
- ୪. ପାଉଲ୍ ସାରାସାରି ଜୁଆର୍ ଜାନାଇବାଟା । ୭:୨୧-୨୪

^୧ *ମୁଇ ପାଉଲ୍ ପର୍ମେସରର୍ ମନ୍ କଲା ଇସାବେ କିରିସ୍ଟ ଜିସୁର୍ ଗଟେକ୍ ପେରିଡ୍ ସିସ୍ ଅଇ ବାଟି ଅଇଆଟି ।

ଜିସୁ କିରିସ୍ଟର୍ ସଙ୍ଗ୍ ମିସିକରି ବିସ୍ବାସ୍‌ସଙ୍ଗ୍ ଜିଉନା କାଉନା କର୍ତ୍ତେ ରଇବା ଏପିସିୟର୍ ବିସ୍ବାସିମାନର ଲଗେ ଏ ଚିଚି ଲେକ୍‌ଲିନି ।

^୨ ଆମର୍ ବାବା ପର୍ମେସର୍ ଆରି ମାପୁରୁ ଜିସୁକିରିସ୍ଟ ତମ୍‌କେ ସବୁଲକ୍‌କେ ଜିବନ୍ ଦୁକାଇକରି ସାନ୍ତି ଦେଅ ।

ଆଡ଼ମାର୍ ଆସିର୍ବାଦ୍

^୩ ଆମର୍ ମାପୁରୁ ଜିସୁ କିରିସ୍ଟର୍ ବାବା ପର୍ମେସର୍ ଦନିଅବାଦ୍ ପାଅ । କାଇକେ ବଇଲେ ସେ ଆମ୍‌କେ କିରିସ୍ଟର୍ ସଙ୍ଗ୍ ମିସାଇକରି ସର୍ଗେ ରଇବା ସବୁଜାକ୍ ଆଡ଼ମାଇଅନି ମିଲାଇବା ଆସିର୍ବାଦ୍ ଦେଇଆଚେ । ^୪ କିରିସ୍ଟର୍ ସଙ୍ଗ୍ ମିସିରଇକରି ଆମେ ଜେନ୍ତି ପର୍ମେସରର୍ ଅଇରୁ, ସେଟାର୍‌ପାଇ ସେ ଆମ୍‌କେ ଜଗଡ୍ ତିଆର୍ ନ ଅଇବା ଆଗତୁ ବାଟି ରଇଲା ।

ଜେନ୍ତାରିକି ସୁକଲ୍ ଆରି କାଇ ଦସ୍ ନ ଅଇତେ ତାର୍ ମୁଆଟେ ଚିଆଅଇରୁ । ^୫ ତାର୍ ଆଲାଦର୍ ଲାଗି, ଜିସୁ କିରିସ୍ଟର୍ ସଙ୍ଗ୍ ସେ ଆମ୍‌କେ ତାର୍ ନିଜର୍ ପଅଜି ପାରା କର୍ବାକେ ବାଟିଆଚେ । ଏଟାସେ ତାର୍ ଆଦେସ୍ ଆରି ସାର୍‌ଦା । ^୬ ଜେନ୍ତାରିକି ତାର୍ ବଡ୍ ଜିବନ୍ ଦୁକାନିର୍ ଲାଗି ଆମେ ତାକେ ଡାକ୍‌ପୁଟା କରୁ । ତାର୍ ଆଲାଦର୍ ପଅ କରି ରଇଲା କାମର୍ ଲାଗି, ଇନାମେ ତାର୍ ଜିବନ୍ ଦୁକାଇଲାଟା ସେ ଆମ୍‌କେ ଦେଲା ଆଚେ । ^୭ *କିରିସ୍ଟ ବନି ଜରାଇ ମଲାଟ୍‌ପାଇ

☆ ୧:୧ ୧:୧ ପେରିଡ୍ ୧୮:୧୯-୨୧;୧୯:୧ ☆ ୧:୭ ୧:୭ କଲସିଅ ୧:୧୪

ଆମେ ମୁକ୍ତି ପାଇଆଛୁ ଆରି ଆମର ସବୁଜାକ ପାପ କେମା ଅଇଲା
ଆଚେ । ପରମେସର ଜିବନ୍ ଦୁକାଇଲାଟା କେତେ ବଡ଼ ବିସଇ !

୮ ସେଟା ସେ ଆମକେ ନ ସାରାଇତେ ଦେଇଆଚେ । ସବୁ ଗିଆନ୍
ଆରି ବୁଜ୍‌ବା ବପୁ ସଙ୍ଗ ମିସା ଦେଲା ଆଚେ । ୯ ଆଗୁତୁ ଆମେ ଜାନି
ନ ରଇଲା ତାର ଜଜ୍‌ନାର ଚିକିନିକି ବିସଇ, ସେ ଆମକେ ଜାନାଇ
ଆଚେ । ସେଟା ଜିସୁ କିରିସ୍‌ଟର୍ ଦେଇ ସେ ପୁରାପୁରୁନ୍ କଲାଆଚେ,
କାଇକେ ବଇଲେ ଏଟା ତାକେ ସାର୍‌ଦା କଲା ।

୧୦ ସରଗେ ଆରି ଜଗତେ ତିଆର୍ ଅଇରଇବା ସବୁ ବିସଇ
ଗଟେକଟାନ୍‌ନେ ଆନ୍‌ବାକେ ପରମେସରର୍ ଜଜ୍‌ନା ରଇଲା । କିରିସ୍‌ଟ
ସେସବୁ ବିସଇର୍ ମୁଣ୍ଡ ପାରା ଅଇକରି ରଇସି । ଏଟା ସମାନ୍ ବେଲାଇ
ସେ ପୁରାପୁରୁନ୍ କରସି ।

୧୧ କିରିସ୍‌ଟର୍ ସଙ୍ଗ ମିସାଇ କରି, ପରମେସର, ଆମେ
ଜିଉଦିମନକେ ବାଚି ଆଚେ । କାଇକେ ବଇଲେ ଆଗେ ଅନି
ଏନ୍ତାରି କରବାକେ ସେ ଜଜ୍‌ନା କରି ରଇଲା । ସେ ଜେନ୍ତାରି ମନ୍
କରସି, ସେ ଇସାବେ ସବୁ ବିସଇ ପୁରାପୁରୁନ୍ କରସି । ୧୨ ଜେନ୍ତାରିକି
ଆମେ ଜେଡ଼କି ଜିଉଦି ଲକ୍ ପରତୁମ୍ କିରିସ୍‌ଟକେ ଆସାକରି ରଇଲୁ,
ସବୁଲକ୍ ପରମେସରକେ ମଇମା କରୁ !

୧୩ ତମେ ମିସା ଜେତେବେଲେ ମୁକ୍ତି ପାଇବା, ଏ ସୁବ୍ କବରର୍
ସଡ଼ କାତା ସୁନ୍‌ଲାସ୍, ସେ ବେଲେଅନି ପରମେସରର୍ ଲକ୍
ଅଇଆଟାସ୍ । ତମେ କିରିସ୍‌ଟକେ ବିସ୍‌ବାସ୍ କଲାକେ, ପରମେସର
ସେ ଦେଇରଇବା କାତା ଇସାବେ ସୁକଲ୍ ଆଡ଼ମା ଦାନ୍ କରିଆଚେ
। ଆରି ସେ ତମକେ ଚିନ୍ କଲାଆଚେ । ୧୪ ପରମେସର ତାର
ଲକ୍‌ମନକେ ଜେଡ଼କି ବିସଇ ଦାନ୍ କରବାକେ କାତା ଦେଲାଆଚେ,
ସେ ସବୁଜାକ ଆମେ ମିଲାଇପାରୁ । ସୁକଲ୍‌ଆଡ଼ମା ଆମରବାଟେ
ଚିଆଅଇସି । ପରମେସର ତାର ଲକ୍‌ମନକେ ପୁରାପୁରୁନ୍
ନିଜେ ମନକରି ମୁକ୍ତି ଦେଇସି । ଏଟା ସଡ଼ ବଲିକରି, ଆସା
ପରମେସରକେ ମଇମା କରୁ !

ପାଉଲର୍ ପାର୍‌ତନ

୧୫ ସେଟାର ପାଇ ମାପରୁ ଜିସୁର୍ ଲଗେ ତମେ ବିସ୍‌ବାସ୍ କରବାଟା
ଆରି ପରମେସରର୍ ଲକ୍‌ମନର୍ ପାଇ ରଇବା ତମର୍ ଆଲାଦର୍

ବିସଇ ସୁନ୍‌ଲା ଦିନେଅନି, ^{୧୬} ମୁଇ ପର୍‌ମେସର୍‌କେ ତମର୍‌ପାଇ ଦନିଅବାଦ୍ ଦେଇ ଆଇଲିନି । ମୁଇମିସା ପାର୍‌ତନା କଲାବେଲେ ତମର୍‌ପାଇ ପର୍‌ମେସର୍‌କେ ଦନିଅବାଦ୍ ଦେବାକେ ପାସରି ଜାଇ ନାଇ । ମୁଇ ପାର୍‌ତନା କଲାବେଲେ ତମକେ ଏତାଇଲିନି । ^{୧୭} ଆରି ତାକ୍‌ପୁଟାର୍ ବାବା, ଆମର୍ ମାପୁରୁ ଜିସୁକିରିସ୍‌ଟର୍ ପର୍‌ମେସର୍‌କେ ପାର୍‌ତନା କଲିନି । ଜେକ୍‌ଟିକି ସେ ତମକେ ସୁକଲ୍ ଆଡ଼ମା ଦେଇସି । ସେ ଆଡ଼ମା ତମକେ ଗିଆନ୍ କରାଇସି ଆରି ପର୍‌ମେସର୍‌କେ ତମର୍ ମୁଆଟେ ଦେକାଇସି । ^{୧୮} ମୁଇ ପାର୍‌ତନା କଲିନି, ଜେକ୍‌ଟିକି ତାର୍ ଉଜଲ୍ ଦେକ୍‌ବାକେ ତମର୍ ଆଡ଼ମାର୍ ଆଁକି ଡିସି । ଜେକ୍‌ଟିକି ଜନ୍ ଆସା ନେଇକରି ତମେ ତାର୍ ଲଗେ ଆସି ଆତାସ, ସେଟା ଜାନିପାରାସ୍ । ^{୧୯} ତାର୍ ଲକ୍‌ମନର୍ ପାଇ ସେ ଦେଇରଇବା କାତାର୍ ସବୁ ବଡ଼ ଆସିର୍‌ବାଦ୍ କେତେକ୍ ଅଦିକ୍ ଆଟେ । ଆରି ଆମର୍ ପାରା ବିସ୍‌ବାସିମନର୍ ପାଇ ରଇବା ତାର୍ ବପୁ କେତେ ବଡ଼, ସେଟା ତମେ ଜାନି ପାରାସ୍ । ^{୨୦} ଏବେ ଆମର୍ ବିଡ଼ରେ କାମ୍ କରତେରଇବା ସେ ବପୁର ସଙ୍ଗ୍‌ସେ, ପର୍‌ମେସର୍ କିରିସ୍‌ଟକେ ମଲାତେଇଅନି ଉଟାଇକରି ତାର୍ ଉଜାବାଟେ ବସାଇଆଟେ । ^{୨୧} କିରିସ୍‌ଟ ସରୁଗେ, ସାସନ୍ କର୍‌ବା ଲକ୍‌ମନକେ, ସନ୍‌ମାନ୍ ପାଇବା ଲକ୍‌ମନକେ, ବପୁରଇବା ଲକ୍‌ମନକେ ଆରି ସାସନ୍‌କାରିଆମନର୍ ଉପରେ ସାସନ୍ କରସି । ତାର୍ ଅଦିକାର୍ ଏବର୍ ସାସନ୍‌କାରିଆମନର୍ କି ଆଇବା ଦିନର୍ ସାସନ୍‌କାରିଆମନର୍ ତେଇଅନି ଅଦିକ୍ ବପୁ ସଙ୍ଗର୍ ଆଟେ । ^{୨୨} ✨ପର୍‌ମେସର୍ ସବୁବିସଇ କିରିସ୍‌ଟର୍ ପାଦ୍‌ତଲେ ସଙ୍ଗାଇଆଟେ । ଆରି ସବୁ ବିସଇର୍ ଉପରେ, ସବୁରତେଇଅନି ଉପରେ ମାପୁରୁ କରି ମଣ୍ଡଲିକେ ଦାନ୍‌କଲା ଆଟେ । ^{୨୩} ମଣ୍ଡଲି ଅଇଲାନି କିରିସ୍‌ଟର୍ ଗାଗଡ଼ । କିରିସ୍‌ଟର୍ ଜିବନ୍ ସଙ୍ଗ୍ ମଣ୍ଡଲି ପୁରାପୁରୁନ୍ ଅଇସି । ଆରି କିରିସ୍‌ଟ ସବୁବିସଇ ପୁରାପୁରୁନ୍ କରସି ।

୨

ମରନ୍‌ଟାନେ ଅନି ଜିବନ୍

^୧ ✱ ଆଗତୁ ତମର ପାପର ଲାଗି, ତମେ ଆତ୍ମାକୁ ମରି ରଇଲାସ । ^୨ ସେବେଲେ ଜଗତର ସତ୍ତ୍ୱ ନଇଲା ବାଟେ ଇଶ୍ଵରରଇଲାସ ଆରି ଆକାସର, ଗାଗଡ଼ ଦାରି ନ ରଇବା, ସାସନକାରିଆର ତଲେ ରଇଲାସ । ସେ ସାସନକାରିଆ ଏବେ ପରମେସରର ଆଦେସ ନ ମାନବା ଲକ୍ଷ୍ମଣକେ ସାସନ କଲାନ୍ତି । ^୩ ସତଇସେ ଆମେ ସବୁଜାକ, ସେ ରକାମ୍ ରଇଲୁ ଆରି ଗାଗଡ଼ର ଆରି ମନର ଲାଲ୍‌ସା ଇସାବେ ଜିଉନା କାଉନା କର୍ତ୍ତେ ରଇଲୁ । ଆରି ଅଲ୍‌ଗା ଲକ୍ଷ୍ମଣନର ପାରା ଆମେମିସା ପରମେସରର ରିସାର ଡଣ୍ଡ ପାଇବାକେ ଜାଇତେ ରଇଲୁ ।

^୪ ମାତର ଏ ରକାମ୍ ରଇଲେମିସା ଦୟାଦେକାଇବା ପରମେସର, ଆମ୍ଭକେ ଜନ୍ମ ବଡ଼ ଆଲାଦ୍ ସଙ୍ଗ୍ ଆଲାଦ୍ କଲା, ^୫ ସେଟାରପାଇ ଆମ୍ଭକେ କିରିସ୍ତର ସଙ୍ଗ୍ ଜିବନ୍ କଲାଆଟେ, ସେ ଜିବନ୍ ଦୁକାଇଲାକେ ତମେ ମୁକ୍ତି ପାଇ ଆଟାସ । ^୬ ପରମେସର କିରିସ୍ତର ସଙ୍ଗ୍ ଆମ୍ଭକେ ଉଟାଇଲା ଆଟେ, ଆରି ତାର ସଙ୍ଗ୍ ଗଟେକ୍ ଅଇବାର ଲାଗି, ସରଗ୍ ଉପରେ ସାସନ କରବାପାଇ ବଲିକରି, ତାର ସଙ୍ଗ୍ ବସାଇଲା ଆଟେ । ^୭ ଜେଜ୍ଞିକି ଆଇବା ଦିନମନ୍‌କେ ଜିସୁ କିରିସ୍ତର ଲାଗି ରଇବା ତାର ବଡ଼ ଜିବନ୍‌ଦୁକାଇଲାଟା, ସବୁକେ ଦେକାଇ ଅଇସି । ^୮ କାଇକେବଇଲେ ପରମେସର ଜିବନ୍ ଦୁକାଇଲାରପାଇ, ତମେ ମୁକ୍ତି ପାଇ ଆରୁସ, ସେଟା ତମେ ବିସ୍ବାସ କଲାବାର ଲାଗି, ତମେ କରିରଇବା କାଇ ନିକ କାମର ଲାଗି ନାଇ, ସେଟା ପରମେସରର ଦାନ । ^୯ ଜେଜ୍ଞିକି ଏ ବିସଇନେଇ କେ ମିସା ନିଜେ ବଡ଼ପନ୍ ଅଇ ନାପାରେ । ^{୧୦} ପରମେସରସେ ଆମ୍ଭକେ ତିଆର୍ କଲା ଆଟେ । ତମେ କିରିସ୍ତର ସଙ୍ଗ୍ ମିସ୍ଲାରପାଇ, ନିକ କାମ୍ କରବାକେ ସେ ଆମ୍ଭକେ ନୁଆ କଲା ଆଟେ । ଏଟା ଆଗତୁଆନି ସେ ଆମ୍ଭର ପାଇ ମନ୍ କରି ରଇଲା ।

କିରିସ୍ତରଟାନେ ଗଟେକ୍

^{୧୧} ତମେ, ଜିଉଦି ନ ଅଇଲା ଲକ୍ଷ୍ମଣ, ଆଗେ କେନ୍ଦ୍ରାର ରଇଲାସ ଏତାଇ ଦେକା । ନିଜେ ସୁନତ୍ ବଲାଅଇତେ ରଇବା ଜିଉଦିମନ୍ ତମ୍ଭକେ ସୁନତ୍ ନ ଅଇଲା ଲକ୍ଷ୍ ବଲି କଇତେ ରଇଲାଇ । ମାତର ସୁନତ୍ ଅଇବାଟା ଗାଗଡ଼େ କରବା କାମ୍ । ^{୧୨} ଆଗେ ତମେ

କିରିସ୍ତର ଲଗେ ଅନି ଦୁର୍ବଳେ ରଇଲାସ୍ । ଆରି ପର୍ଯ୍ୟେସର୍
 ବାଟିରଇବା ଲକ୍ଷ୍ମୀନରଟାନେ ମିସି ନ ରଇଲାସ୍ । ତାର୍ ଲକ୍ଷ୍ମୀନକେ
 କାତା ଦେଇ, ତିଆର୍ କରିରଇବା ନିୟମଟାନେ, ତମର୍ କାଇ ମିସା
 ଅଦିକାର୍ ନ ରଇଲା । ତମେ ଜଗତେ ବାସାକରି, କାଇ ଆସା ନ
 ରଇକରି ପର୍ଯ୍ୟେସର୍ ଲକ୍ଷ୍ମୀ ନ ଅଇ ରଇଲାସ୍ । ^{୧୩} ଗଟେକ୍
 ବେଲାଇ ଦୁରିକେ ରଇଲାସ୍ । ଏବେ ଜିସୁର୍ ସଙ୍ଗ୍ ମିସିକରି କିରିସ୍ତ
 ବନି ଦେଇ ମଲାଝପାଇ ତାର୍ ଲଗେ ଅଇଆଟାସ୍ । ^{୧୪} କାଇକେ
 ବଇଲେ ଜିଉଦି ଆରି ଜିଉଦି ନଇଲା ଲକ୍ଷ୍ମୀକେ ଗଟେକ୍ କରି,
 କିରିସ୍ତ ନିଜେ ଆମର୍ ବିତ୍ତରେ ସାନ୍ତି ଆନିଦେଇ ଆଟେ । ସେମନ୍‌କେ
 ବେଗ୍‌ଲାଇକରି ନିଜର୍ ନିଜର୍ ସତ୍ତରୁ ପାରା କରି ସଙ୍ଗାଅଇରଇବା
 ପାଟୁରି, ସେ ତାର୍ ଗାଗଡ଼ସଙ୍ଗ୍ ବାଙ୍ଗାଇଲା ଆଟେ । ^{୧୫} ✧ସେ
 ଜିଉଦିମନ୍ ମାନିଆଇତେରଇବା ସବୁ ରିତିନିତି ନିୟମ୍ ବାଙ୍ଗାଇକରି,
 ଜିଉଦି ଆରି ଜିଉଦି ନଇଲା ଲକ୍ଷ୍ମୀନରଟାନେଅନି ତାର୍ ସାଇଜ
 ପାଇତେରଇବା ଗଟେକ୍ ନୁଆ ମୁନୁସ୍‌ଜାତି ତିଆର୍ କଲାଆଟେ ।
 ଏନ୍ତାରି କରି ଦୁଇ ଦଲ୍ ବିତ୍ତରେ ସେ ସାନ୍ତି ଆନିଦେଇ ଆଟେ । ^{୧୬} ✧ସେ
 କୁର୍ସେ ମଲାଝପାଇ ବଲି ତାକର୍ ତାକର୍ ବିତ୍ତରେ ସତ୍ତରୁ ଅଇ
 ରଇବାଟା, ଲିବାଇଦେଇଆଟେ । କୁର୍ସର୍ ଲାଗି ସେ ଦୁଇଟାଜାକ
 ମିସାଇକରି ଗଟେକ୍ ଗାଗଡ଼ ପାରା କଲାଆଟେ । ଆରି ସେମନ୍‌କେ
 ପର୍ଯ୍ୟେସର୍ ଲଗେ ବାଉଡାଇ ଆନୁଲାଆଟେ । ^{୧୭} ସେଟାର୍ ପାଇ
 କିରିସ୍ତ ଆଇଲା ଆରି ପର୍ଯ୍ୟେସର୍‌ତେଇଅନି ଦୁରିକେ ଜାଇ ରଇବା
 ଜିଉଦି ନଇଲା ଲକ୍ଷ୍ମୀନକେ ଆରି ତାର୍ ଲଗର୍ ଜିଉଦିମନ୍‌କେ
 ସୁବକବର୍ ସୁନାଇଲା । ^{୧୮} କିରିସ୍ତର୍ ଲାଗିସେ ଜିଉଦି ଆରି ଜିଉଦି
 ନଇଲା ସବୁଲକ୍ ଗଟେକ୍ ଆଡ଼ମାଇ, ବାବାର୍ ମୁଆଟେ ଆସି ପାର୍‌ଲୁ
 ।

^{୧୯} ତେବର୍ ପାଇ ଏ ଜିଉଦି ନଇଲା ଲକ୍ଷ୍ମୀନ, ତମେ ଆରି
 ବିନ୍ ଦେସେ ବାସା ଅଇରଇବାଲକ୍ ନୁଆସ୍ । ଏବେ ପର୍ଯ୍ୟେସର୍
 ଲକ୍ଷ୍ମୀନରସଙ୍ଗ୍ ତମେମିସା ତାର୍ ରାଇଜେ ମିସାବ ଲକ୍ ଆରି ତାର୍
 ଜାତିର୍ କୁର୍ମର୍ ଲକ୍ । ^{୨୦} ତମେ ମିସା ପେରିଡ଼ ସିସ୍‌ମନ୍ ଆରି
 ବବିସତ୍‌ବକ୍‌ତାମନ୍ କରିରଇବା କୁନାଦି ଉପରେ, ତିଆର୍ ଅଇଲା
 ଗର୍ ପାରା । ସେ ଗର୍ କନର୍ ମୁଲ୍ ପାକ୍‌ନା ଅଇଲାନି କିରିସ୍ତ

ଜିସୁ । ^{୨୧} ସେ ଆକା ଗରକେ ସମାନ୍କରି ସଙ୍ଗଇଲା ଆଚେ ଆରି ମାପୁରୁପାଇ ଗଟେକ୍ ସରପିଦେଲା ସୁକଲ୍ ମନ୍ଦିରପାରା କଲାଆଚେ । ^{୨୨} କିରିସ୍ତର ସଙ୍ଗ୍ ମିସ୍ଲାର୍ ପାଇ, ଗଟେକ୍ ଗର୍ ପାରା ତମେ ସବୁକେ ମିସିକରି ତିଆର୍ କଲାନି । ଜେନ୍ତାରିକି ତମେ ପରମେସର ତାର୍ ଆଡ଼ମାଇ ରଇବା ଗଟେକ୍ ବାସା ଅଇବା ଗର୍ ପାରା ଅଇସା ।

୩

ଜିଉଦି ନଇଲା ଲକର ପାଇ ପାଉଲର କାମ୍

^୧ ଏଟାରଲାଗି ତମର୍ ପାରା ଜିଉଦି ନଇଲା ଲକର ପାଇ, କିରିସ୍ତ ଜିସୁର୍ ଲାଗି ବନ୍ଦି ଅଇରଇବା ପାଉଲ୍ ମୁଇ, ପରମେସରକେ ପାର୍ତନା କଲିନି । ^୨ ତମର୍ ନିକପାଇ ପରମେସର ତାର୍ ଜିବନ୍ ଦୁକାଇଲାର୍ ତେଇଅନି ମକେ ଏ କାମ୍ ଦେଇଆଚେ । ଏଟା ନିଜେ ସୁନିଆରାସ୍ । ^୩ ପରମେସର ସେ ଜାନାଇ ନରଇଲା ବିସଇ ମକେ ଜାନାଇ ଆଚେ । ଏ ବିସଇ ମୁଇ ଆଗ୍ତୁ ତମକେ ଅଲପ୍ ଲେକି ରଇଲି । ^୪ ସେଟା ପଡ଼ଲେ, କିରିସ୍ତର ପାଇ ରଇବା ପରମେସରର୍ ଚିକିନିକି ବିସଇ ମୁଇ ବୁଜ୍ଲିଆଟି ବଲି, ତମେ ଜାନି ପାରସା । ^୫ ଆଗର୍ ଲକ୍ମନକେ ଏ ଚିକିନିକି ବିସଇ ନ କୁଆଅଇ ରଇଲା । ମାତର୍ ଏବେ ତାର୍ ଆଡ଼ମା ଦେଇ, ସେ ବାଟି ରଇବା ତାର୍ ସୁକଲ୍ ପେରିଡ଼ମନକେ ଆରି ବବିସ୍ତବକ୍ତାମନକେ ସେ ଜାନାଇଲା ଆଚେ । ^୬ ଏ ଲୁଟି ରଇବା ବିସଇ ଅଇଲାନି, ସୁବ୍‌କବରର୍ ଲାଗି, ଜିଉଦି ବିସ୍‌ବାସିମନର୍ ସଙ୍ଗ୍, ଜିଉଦି ନଇଲା ବିସ୍‌ବାସିମନ୍ ମିସା ପରମେସରର୍ ଆସିର୍‌ବାଦେ ମିସ୍‌ବାଇ । ସେମନ୍ ମିସିକରି, ଗଟେକ୍ ଗାଗଡ଼ ପାରା ଅଇଜିବାଇ । ମାପୁରୁ ଜିସୁ କିରିସ୍ତର୍ ଲାଗି ପରମେସର ଦେଇ ରଇବା ସବୁ କାତାଇ ବାଗ୍ ଅଇସା ।

^୭ ପରମେସର ତାର୍ ଜିବନ୍ ଦୁକାଇଲାର୍ ତେଇଅନି ମକେ ଜନ୍ ଦାନ୍ ଦେଇ ଆଚେ, ସେଟାର୍ ଲାଗି ମୁଇ ନିମାନ୍ କବର୍ ଜାନାଇବା ଲକ୍ ଅଇଲିଆଟି । ତାର୍ ବପୁ ମର୍ ବିତ୍ରେ କାମ୍ କଲାର୍ ଲାଗି ଏଟା ଅଇଲା । ^୮ ମୁଇ ପରମେସରର୍ ଲକ୍ମନର୍ ସବୁରଟାମେଅନି ସାନ୍ ଅଇଲେ ମିସା ଜିଉଦିନଇଲା ଲକ୍ମନକେ କିରିସ୍ତର୍‌ଟାମେ

☆ ୩:୪ ୩:୪ କଲସିଅ ୧:୨୭,୨୭

ରଇବା ନିକ ନିକ ବିସଇ ଜାନାଇବାକେ ମକେ ସେ ବାଟଲା ଆଚେ । ଏ ବିସଇ ଲକ୍ମନ ବୁଢ଼ବାକେ ଆବଡ଼ ରଇବାଟା ।^୯ ପର୍ମେସର୍ ତାର ଲୁଚ୍ଚେରଇବା ଜଜନା କେନ୍ତାର ପୁରାପୁରୁନ୍ କର୍ସି, ସେଟା ସବୁ ଜାନାଇବାକେ ମିସା ମକେ ବାଟଲା ଆଚେ । ସବୁ ବିସଇ ତିଆର୍ କଲା ବେଲେଅନି, ଏବେ ଜାକ ସେ ତାର ଟିକିନିକି ବିସଇ ଲୁଚାଇକରି ସଙ୍ଗରଇଲା, ।^{୧୦} ଜେନ୍ତାରକି ମଣ୍ଡଲିର୍ ଟାନେଅନି ତାର ବିନ୍ ବିନ୍ ରକାମର୍ ଗିଆନ୍ ସର୍ଗର୍ ସାସନ୍‌କାରିଆମନ୍‌କେ ଆରି ବପୁ ରଇବାଟାମନ୍‌କେ, ସେ ଜାନାଇସି ।^{୧୧} ଜଗଡ଼ ତିଆର୍ କର୍ବା ଆଗ୍ରୁ, ଏଟା ସେ ଜଜନା କରିରଇଲା । ଏଟା ଆମର୍ ମାପୁରୁ ଜିସୁ କିରିସ୍‌ଟର୍ ଲାଗି ସେ ପୁରାପୁରୁନ୍ କଲା ଆଚେ ।^{୧୨} କିରିସ୍‌ଟର୍ ତେଇ ବିସବାସ କଲାର୍ ପାଇ ଆରି ତାର ସଙ୍ଗ ମିସି ରଇଲାର୍ ପାଇ, ନ ଡର୍ତ୍ତେ, ସାଆସ୍ ଅଇକରି, ପର୍ମେସରର୍ ମୁଆଟେ ଟିଆ ଅଇବୁ ।^{୧୩} ସେଟାର ପାଇ ମୁଇ ତମ୍‌କେ ବାବୁଜିଆ କରି କଇଲିନି, “ତମର୍ ପାଇ ବଲି ଅଇବା ମର୍ ଦୁକ୍ କସ୍‌ଟର୍ ପାଇ ମନ୍‌ଦୁକ୍ କରାନାଇ, ଏ ସବୁ ତମର୍ ବଲ୍ ପାଇ ଅଇଆଚେ ।”

କିରିସ୍‌ଟର୍ ଆଲାଦ୍

^{୧୪} ସେଟାରପାଇ ବଲିକରି ମୁଇ ପର୍ମେସରର୍ ମୁଆଟେ ମାଣ୍ଡିକୁଟା ଦେଇ ପାରତନା କଲିନି, ^{୧୫} ତାର ଲାଗିସେ ସରଗର୍ ଆରି ପୁରତିବିର୍ ସବୁ କୁଟୁମ୍ ଅଇଲା ଆଚେ, ^{୧୬} ମୁଇ ପାରତନା କଲିନି ଜେନ୍ତିକି ସେ ତାର ନ ସାର୍‌ବା ମଇମାଇଅନି, ତାର ଆଡ଼ମା ତମ୍‌କେ ବପୁ ଦେଇସି, ଜେନ୍ତିକି ତମର୍ ମନ୍ ଡାଟ୍ ଅଇସି । ^{୧୭} ମୁଇ ପାରତନା କଲିନି, ଜେନ୍ତିକି ତମର୍ ବିସବାସର୍ ଲାଗି, କିରିସ୍‌ଟ ତମର୍ ବିଡ଼ରେ ବାସା ଅଇସି । ଆରି, ତମେ ପର୍ମେସର୍‌କେ ଆରି ବିନ୍ ଲକ୍‌କେ ଆଲାଦ୍ କଲାଟାନେଅନି, ବୁଏଁ ଜାଇତେରଇବା ଗଟର୍ ଚେର୍‌ପାରା ଆରି କୁନାଦି ଉପରେ ତିଆର୍ ଅଇଲା ଗର୍ ପାରା ଡାଟ୍ ଅଇସା । ^{୧୮} ମୁଇ ପାରତନା କଲିନି ତମେ ପର୍ମେସରର୍ ଲକ୍‌ମନ୍‌ର୍ ସଙ୍ଗ ମିସିକରି କିରିସ୍‌ଟର୍ ଆଲାଦ୍ ବୁଢ଼ବାକେ ବପୁ ପାଇସା । ତାର ବଡ଼ ଆଲାଦ୍ ସଙ୍ଗ ସେ ଆମ୍‌କେ ଆଲାଦ୍ କଲା ଆଚେ । ^{୧୯} ଡ୍, ନରଲକ୍ ବୁଢ଼ବା ତେଇଅନି ଅଦିକ୍ କିରିସ୍‌ଟ ଆମ୍‌କେ ଆଲାଦ୍ କଲା ଆଚେ,

ସେ ଆଲାଦ୍ ତମେ ଜାନା ବଲି ମୁଇ ପାର୍ତନା କଲିନି । ଜେନ୍ତାରିକି ତମର ଚାଲାଚାଲୁତି ପରମେସରର ପାରା ଅଇ ଆଇସି ।

^{୨୦} ପରମେସର ଜେକି ଆମେ ତାକେ ମାଙ୍ଗ୍‌ବା ତେଇଅନି କି ଚିନ୍ତା କରବା ତେଇଅନି ଅଦିକ୍ କରିପାରସି, କାଇକେ ବଇଲେ ତାର ବଡ଼ ବପୁ ସଙ୍ଗ୍ ସେ ଆମର ବିତ୍ରେ କାମ୍ କରି ଆଇଲାନି ।
^{୨୧} ମଣ୍ଡଲିଟାନେ ଆରି କିରିସ୍‌ଟ ଜିସୁରଟାନେଅନି ପରମେସରର ବଡ଼ ବପୁ ବିନ୍ ଲକ୍‌କେ ଡିସଲାନି, ତାର ବଡ଼ ବପୁର ଲାଗି ପରମେସରକେ ଡାକ୍‌ପୁଟା କରୁ, କାଲକାଲ୍ ଜୁଗ୍‌ଜୁଗ୍ ସେ ଡାକ୍‌ପୁଟା ପାଇତେରଥ । ଆମେନ୍ !

୪

ଗଟେକ୍ ଗାଗଡ଼

^୧ ଏ ସବୁରଲାଗି ମାପୁରୁର ସେବାକାରିଆ ମୁଇ ବନ୍ଦିଗରେ ଆତି । ମାପୁରୁ ତମ୍‌କେ କେନ୍ତାରି ଚଲାଚଲୁତି କରବାକେ ଡାକ୍‌ଲାଆତେ, ସେନ୍ତାରିସେ କରାବଲି ମୁଇ ତମ୍‌କେ ବାବୁଜିଆ କଲିନି । ^୨ ତମେ ଲକ୍‌ମନର ସଙ୍ଗ୍ ମିସାବିଡା ଅଇଲାବେଲେ, ପୁରାପୁରୁନ୍ ଦରମ୍ ଅଇ ସୁଆଲେ ରୁଆ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କଲାର୍‌ପାଇ ସାଆସ୍ ଅଇ, ମୁରଚିକରି ରୁଆ । ^୩ ଜନ୍‌ଟା କି ଗଟେକ୍ ମନ୍ ଅଇକରି ରଇବାକେ ସୁକଲ୍‌ଆଡ଼ମା ଆମ୍‌କେ ବାନ୍ଦିଆତେ, ସେନ୍ତାରି ସାନ୍ତି ଅଇକରି ରୁଆ । ^୪ ଆମେ ସବୁ ବିସ୍‌ବାସି ବାଇବଇନିମନ୍ ଗଟେକ୍ ଗାଗଡ଼ ପାରା ଆରି ସବୁଲକ୍ ସମାନ୍ ଆଡ଼ମା ମିଲାଇଆତୁ । ସେନ୍ତାରିସେ ସମାନ୍ ଆସିର୍‌ବାଦ୍ ମିଲାଇବାକେ ସେ ଆମ୍‌କେ ଡାକ୍‌ଲାଆତେ । ^୫ ଆମ୍‌କେ ଗଟେକ୍ ମାପୁରୁ ଆତେ, ସମାନ୍ ସିକିଆଇ ବିସ୍‌ବାସ୍ କଲୁନି ଆରି ସମାନ୍ ତୁବନ୍ ନେଲୁ ଆତୁ । ^୬ ଗଟେକ୍ ପରମେସରକେ ଆମେ ଉପାସନା କଲୁନି । ଜେ କି ସବୁର୍ ବାବା ଅଇଆତେ । ସେ ଆମର ବିତ୍ରେ ରଇକରି ଆରି ଆମ୍‌କେ ଦେଇକରି ସବୁର୍ ଉପରେ ସାସନ୍ କଲାନି ।

^୭ ମାତର କିରିସ୍‌ଟ ଆମେ ବିନ୍ ବିନ୍ ଲକ୍‌କେ ବିନ୍ ବିନ୍ ଦାନ୍ ଦେଲାଆତେ । ସେଟା କାକେ କେନ୍ତାରି ବାଟା କରବାଟ ଆତେ, ସେ

ସେ ଟିକ୍ କଲାଆଚେ । ୮ ତେବର୍ ପାଇ ସାସ୍ତରେ ଲେକାଅଇଲା
ଆଚେ,

“ସେ ତାର ସତ୍ତରୁମନ୍ଦକେ ଆରାଇକରି ଜେଡେବେଲେ ଉର୍ ରଇବା
ଜାଗାଇ ଗାଲା,

ତାର ଆରାଇ ରଇବା ସତ୍ତରୁମନ୍ଦକେ ବାନ୍ଦିକରି ନେଲା

ଆରି ତାର ଦାନ ବିନ୍ ବିନ୍ ଲକ୍‌କେ ଦେଲା ।

୯ “ସେ ଗଟେକ୍ ଉର୍ ଜାଗାଇ ଗାଲା ।” ଏନ୍ତାରି ଲେକ୍‌ବା ଅରଡ୍
କାଇଟା ? ଏଟାର୍ ଆରଡ୍ ଅଇଲାନ୍, କିରିସ୍ତ ଉଡ୍‌ରି କରି ଏ ଜଗତେ
ଆସି ସାରି ଆଚେ । ୧୦ ଜେ କି ଏ ଜଗତେ ଉଡ୍‌ରି ଆଇଲା, ସେ ସମାନ
ଲକ୍‌ସେ, ସର୍ଗେ ଅନି ଉପରେ ରଇବା ଜାଗାଇ ଚଗି ଗଲା । ଜେନ୍ତାରି
କି ସେ ଗୁଲାଇ ଜଗଡ୍‌କେ ପୁରାପୁରୁନ୍ କରସି ।

୧୧ ସେ ଆକା କେତେ ଲକ୍‌ମନ୍ଦକେ ପେରିଡ୍ ଅଇବାକେ,
କେତେଲକ୍‌କେ ବସିସ୍ତ କାତା କଇବାକେ, କେତେଲକ୍‌କେ
ସୁବକବର୍ ଜାନାଇବାଟା ଅଇବାକେ, କେତେଲକ୍‌କେ ମଣ୍ଡୁଲି
ଚାଲାଇବାକେ ଆରି କେତେଲକ୍‌କେ ସିକାଇବାକେ ବପୁ ଦେଇ
ବାଟଲାଆଚେ । ୧୨ ପର୍ମେସରର୍ ଲକ୍‌ମନ୍ଦ ଜେନ୍ତାରି କି ତାକେ
ସେବା କରିପାରଡ୍, ତାରଲାଗି ଏ ସବୁ ଦାନ ତାର ଲକ୍‌ମନ୍ଦକେ
ଦେଲା । ଏନ୍ତାରି ଅଇ କିରିସ୍ତର୍ ଗାଗଡ୍ ପାରା ଅଇବା ବିସ୍‌ବାସିମନ୍
ବପୁ ଅଇ ସିଦ୍ ଅଅଡ୍ । ୧୩ ଏନ୍ତାରି ଅଇ ଆମେ ସବୁ ବିସ୍‌ବାସେ
ବଡିକରି ଆରି ପର୍ମେସରର୍ ପଅକେ ଜାନିକରି, ସିଦ୍ ଅଇବୁ ।
ଆମେ ଜେନ୍ତାରିକି ପୁରାପୁରୁନ୍ କିରିସ୍ତର୍ ପାରା ଅଇବୁ । ସେ
ପୁରାପୁରୁନ୍ ସିଦ୍ ଆଚେ । ୧୪ ତେବେ ଆମେ ସାନ୍ ପିଲାମନର୍
ପାରା ନ ଅଇ କରି, ଜଗତର୍ ମନସମନର୍ ସିକିଆଇ ଆରି ତାକର୍
ଦଦାପେଲା ଅଇବା ପାରା ବିଚାରନା ଇସାବର୍ ବିନ୍ ବିନ୍ ସିକିଆଇ,
ଗାଡ୍‌ର ଲଅଡି ଆରି ମାର୍‌ବା ପବନ୍ ଜେନ୍ତାରି ଡଙ୍ଗାକେ ଏନେତେନେ
କରସି, ସେନ୍ତାରି ତାକର୍ ସିକିଆ ସୁନିକରି ଏନେତେନେ ନ ଅର୍ ।
୧୫ ତାରୁ ବାଦୁଲେ ଆମେ ପର୍ମେସରର୍ ସଡ୍ ବିସଇର୍ ଆଲାଦ୍
ଜାନାଉ । ସେନ୍ତାରି ମୁଣ୍ଡ ଇସାବେ ରଇବା କିରିସ୍ତର୍ ପାରା ଆମେ
ସବୁ ବିସଇତେଇ ସିଦ୍ ଅଇ, ତାର ପାରା ଅଇବୁ ।

୧୬ ☆ କାଇକେବଇଲେ କିରିସ୍ତ ତାର ସବୁ ଲକ୍‌ମନ୍ଦକେ

ମିସାଇକରି ସଙ୍ଗେ ଆତେ । ଗଟେକ୍ ଗାଗଡ଼ର୍ ସନ୍ଦି ଜେନ୍ତ୍ରିକି ସେ ଗାଗଡ଼ର୍ ସବୁ ବାଗ୍‌କେ ମିସାଇକରି ସଙ୍ଗେସି, ସେନ୍ତ୍ରିସେ ଗାଗଡ଼ର୍ ଗଟେକ୍ ଗଟେକ୍ ବାଗ୍ ନିଜର୍ ନିଜର୍ କାମ୍ କଲେ, ଗୁଲାଇ ଗାଗଡ଼ ବଢ଼ିକରି ବପୁ ଅଇସି ।

କିରିସ୍‌ଟର୍ ଲଗେ ନୁଆଜିବନ୍

୧୭ ତେବର୍ ପାଇ ମାପ୍‌ରୁର୍ ନାଉଁଦାରି ମୁଇ ତମ୍‌କେ ଜାଗର୍‌ତା କରିଦେଲିନି । ତମେ ଆରି ପର୍‌ମେସର୍‌କେ ନାଜାନଲା ଲକର୍‌ପାରା ଚଲାଚଲ୍‌ତି କରା ନାଇ । ୧୮ ସେମନ୍ ଚିନ୍ତାକର୍‌ବାଟା ତୁଟାଇସେ । ସେମନ୍ ପର୍‌ମେସର୍‌ର୍ ବିସଇ ବୁଜି ନାପାରଡ଼ । ଆରି ସେ ଦେଇରଇବା ଜିବନେ ଅନି ଦୁରିକେ ଆଚଡ଼ । ସେମନ୍ ତାକର୍ ମନ୍ ତାଟ୍ କଲାପାଇ ତାକେ ନାଜାନଡ଼ । ୧୯ ସେମନ୍ ପାପ୍ କାମ୍ କଲେ ମିସା, ବୁଲ୍ କଲି ବଲି ଲାଜ୍ କି ଦୁକ୍ ନ ଅଅଡ଼ । ତେବର୍‌ପାଇ ସବୁରକାମର୍ ବେସିଆ କାମ୍ କର୍‌ବାଟାନେ ସର୍‌ପିଅଇ ଆଚଡ଼ । ଏନ୍ତାରି କାମ୍ କରି କରି ଆରି କର୍‌ବାକେସେ ଲାଲ୍‌ସା ଅଇ ଆଚଡ଼ ।

୨୦ ମାତର୍ ତମେ କିରିସ୍‌ଟର୍ ଟାନେଅନି ସେନ୍ତ୍ରିସି ସିକିଆ ସିକାସ୍ ନାଇ । ୨୧ ତମେ ଜେଡେବେଲେ ତାର୍ ବିସଇ ସୁନିକରି ସିକ୍‌ଲାସ୍, ସେଟା ତାର୍ ସଡ଼ ସିକିଆଇଅନି ସିକ୍‌ଲାସ୍ । ୨୨ ✱ଆଗ୍‌ତୁ ଜନ୍ ପୁରନା ଚଲାଚଲ୍‌ତି କରି ତମେ ଜିଉନା କାଉନା କର୍‌ତେ ରଇଲାସ୍, ସେଟା ଚାଡ଼ବାକେ ତମ୍‌କେ ସିକାଇ ରଇଲାଇ । ତମର୍ ମନେ କାରାପ୍ ଚିନ୍ତା ଆଇବାଟା, ତମ୍‌କେ ନାଡାଇକରି ତମର୍ ଜିବନ୍ ନସାଇ ଦେଲାଇ । ୨୩ ତମେ ଚିନ୍ତା କର୍‌ବାଟା ପର୍‌ମେସର୍ ନୁଆକରି ବାଦ୍‌ଲାଇବାକେ ତାକେ ସର୍‌ପି ଦିଆସ୍ ବଲି ସିକାଇଲାଇ ଆଚଡ଼ । ୨୪ ✱ ପର୍‌ମେସର୍ ତମ୍‌କେ ତାକର୍ ଗୁନ୍‌ଚଲନ୍ ପାରା ରଇବା ନୁଆ ଗୁନ୍‌ଚଲନ୍ ଦେଲାଆଚେ । ତେବର୍‌ପାଇ ସେ ରକାମ୍ ଚଲାଚଲ୍‌ତି କରା । ପୁରାପୁରୁନ୍ ଦରମ୍ ଅଇକରି ସୁକଲ୍ ଅଇରୁଆ ।

୨୫ ତମର୍ ବିଡ଼ରେ ମିଡ଼ କଇବାଟା ଚାଡ଼ିଦିଆସ୍, ନିଜର୍ ନିଜର୍ ବିଡ଼ରେ ସଡ଼ କୁଆକୁଇ ଉଆ । କାଇକେବଇଲେ ଆମେ ସବୁଲକ୍ ଗଟେକ୍ ଗାଗଡ଼ର୍ ବିନ୍ ବିନ୍ ବାଗ୍ ଅଇଲୁଆରୁ । ୨୬ ଜେଡେବେଲେ ରିସା ଆଇଲେ, ସେଡେବେଲେ ପାପ୍‌କରା ନାଇ । ବେଲ୍ ନ ବୁଡ଼ତେ

ତମର ରିସା ଚାଡ଼ି ଦିଆସ୍ ।^{୨୭} ତମକେ ପାପ୍ କରାଇବା ସଇତାନ୍‌କେ ଜାଗା ଦିଆସ୍‌ନାଈ ।^{୨୮} ଜେ ଚରାଇତେ ରଇଲା, ସେ ଆରି ନ ଚର୍ ଅଅ । ମାତର୍ ନିଜେ ତାର୍ ଜିଉନା କାଉନାର୍ ପାଇ କାଇଆଲେ ନିକ କାମ୍ କର । ସେନ୍ତାର୍‌ଆଲେ ଅର୍‌କିଡ଼୍ ଲକ୍‌ମନ୍‌କେ ଦେବାକେ ତାର୍‌ଟାନେ କାଇଟା ମିସା ରଇସି ।^{୨୯} ଜନ୍ କାତା ବିନ୍‌ଲକ୍‌ମନ୍‌କେ ଲଡାକେ ନ ଆସେ, ସେନ୍ତାରି କାତା ତମର୍ ଟଣ୍ଟେ ଅନି ନ ବାରଅ । ତାର୍‌ବାଦୁଲେ ସେମନ୍‌କେ ସାର୍‌ଦା କରାଇ ବପୁ ଆଇବା କାତା କୁଆ । ଜେନ୍ତାରିକି ସୁନ୍‌ବା ଲକ୍‌ମନ୍ ତାକର୍ ଲଡାକେ ଆଇବା ବେଲାଈ ସେଟା ସୁନିକରି ସାର୍‌ଦା ଅଇବାଈ ।^{୩୦} ପର୍‌ମେସରର୍ ସୁକଲ୍ ଆଡ଼ମାକେ ଦୁକ୍ ଦିଆସ୍ ନାଈ । ତାକେ ମୁକଲ୍‌ବା ଦିନ ଜାକ ଗଟେକ୍ ଚିନ୍ ଇସାବେ ସେ ତମ୍‌କେ ଦେଲାଆଟେ ।^{୩୧} ସବୁ ରକାମର୍ କୁର୍ କାତା ଚିନ୍ତା କର୍‌ବାଟା, ରିସା ଅଇବାଟା, କିରଜାଟି କର୍‌ବାଟା, ନିନ୍ଦା କାତା କଇବାଟା, ଇସା ତଲା ଅଇବାଟା, ଏ ସବୁଜାକ ତମର୍‌ଟାନେ ଅନି ଦୁରିକେ ସଙ୍ଗୁଆ ।^{୩୨} ☆ତାର୍ ବାଦୁଲେ ତମର୍ ତମର୍ ବିଡ଼ରେ ମାନାମାନି ଅଇକରି ଆଲାଦ୍ ସଙ୍ଗ୍ ଦରମ୍ ଅଇ ରୁଆ । ଜେନ୍ତୁକି କିରିସଟର୍ ଲାଗି ପର୍‌ମେସର୍ ତମ୍‌କେ କେମା କିରିଦେଲା ଆଟେ । ତମେମନ୍ ମିସା ସେ ରକାମ୍ ନିଜର୍ ନିଜର୍ ବିଡ଼ରେ କେମା କରାକରି ଉଆ ।



ଉଜଲର୍ ଜିବନ୍

^୧ ପର୍‌ମେସର୍‌କେ ବେସି ଆଲାଦ୍ କର୍‌ବା ତାର୍ ପିଲାମନ୍ ଅଇବାକେ, ତାର୍‌ପାରା ଅଇ ଗଟେକ୍ ଆଲାଦର୍ ଚଲାଟଲ୍‌ଡି କରା ।^୨ ଜେନ୍ତାର୍ କି କିରିସଟ ଆମ୍‌କେ ଆଲାଦ୍ କରି ଆମର୍ ପାଇ ମରି ରଇଲା । ଗଟେକ୍ ସୁନ୍‌ର୍ ବାସନା ଅଇବା ବଲି ପାରା ସେ ତାର୍ ଜିବନ୍ ପର୍‌ମେସର୍‌କେ ସର୍‌ପିଦେଲା ।

^୩ ମାତର୍ ତମର୍ ବିଡ଼ରେ ବେସିଆ ଇସାବେ ରଇବା ଚଲାଟଲ୍‌ଡି, କି କାଇ ରକାମର୍ ସୁକଲ୍ ନ ଅଇବାଟା କି ଲବ୍ ଅଇବାଟା ଆଟେ, ବଲି ବିନ୍ ଲକ୍‌ମନ୍ ନ କଅଡ଼ । କାଇକେବଇଲେ ଏଟା ସବୁ ପର୍‌ମେସରର୍ ସୁକଲ୍ ଲକ୍‌ମନ୍ କର୍‌ବା ଟିକ୍ ବିସଇ ନଏ ।

☆ ୪:୩୨ ୪:୩୨ କଲସିଅ ୩:୧୩

୪ ସେନ୍ତାରିସେ ଜନ୍ମଟାକି ଲତାକେ ନ ଆଇବା ଗୁନ୍ତଲନ୍, କି କାରାପ୍ କାତା, ଲାଜ୍ କରବା କାତା କି ଟାପୁରା କାତା ତମରଟାନେ ନ ତିସ । ଏଟାମନ୍ ତମରଟାନେ ରଇବାଟା ଟିକ୍ ନଏ । ତାରବାଦୁଲେ ତମେ ପରମେସରକେ ଦନିଅବାଦ୍ ଦେବା କାତା କୁଆ । ୫ ତମେ ଜାନ୍‌ବାର୍ ଆଟେ ଜେ, କେନ୍ତାରି ମିସା ବେସିଆ କାମ୍ କରବା ଲକ୍, କି ସୁକଲ୍ ନ ଅଇଲା ଲକ୍, କି ଲବରା ଲକ୍ ପରମେସରର୍ ଆରି କିରିସଟର୍ ରାଇଜେ ରଇବା କାଇ ବିସଇ ମିଲାଇବାକେ ଅଦିକାର୍ ପାଇ ନାପାରତ୍ । ଗଟେକ୍ ଲବରା, ପୁଡ଼ଲା ପୁଜା କରବା ଲକର୍ ସଙ୍ଗ୍ ସମାନ୍ ।

୬ ବିନ୍ ଲକର୍ ଟାନେଅନି କାଇ ଲତାକେ ନ ଆଇବା ରୁଟା କାତା ସୁନି ନାତାଇ ଉଆ ନାଇ । କାଇକେବଇଲେ, ଏନ୍ତାରି କିରି ତାକେ ନ ନାମବା ଲକ୍‌ମନ୍‌କେ ପରମେସର୍ ତଣ୍ଟ୍ ଦେଇସି । ୭ ତେବର୍ପାଇ ସେନ୍ତାରି ଲକ୍‌ମନ୍‌ର ସଙ୍ଗ୍ ମିସା ନାଇ । ୮ କାଇକେବଇଲେ ଆଗ୍ରୁ ତମେ ଆନ୍ଦାରେ ରଇଲାସ୍ । ମାତର୍ ଏବେ ମାପୁରୁର୍ ସଙ୍ଗ୍ ମିସ୍‌ଲାର୍‌ପାଇ ଉଜଲେ ପୁରି ଆଟାସ୍ । ତେବର୍ପାଇ ଉଜଲେ ରଇବା ଲକ୍‌ମନ୍‌ପାରା ଚଲାଚଲ୍‌ତି କରା । ୯ କାଇକେବଇଲେ, ଉଜଲେ ରଇଲେ ତେଇଅନି ସବୁ ରକାମର୍ ନିକ, ଦରମ୍, ଆରି ସତ୍ ବିସଇ ବାରଇସି । ୧୦ ପରମେସର୍‌କେ ସାର୍‌ଦା କରାଇବା ବିସଇ କଜିକରି ମିଲାଆ । ୧୧ ଆନ୍ଦାରେ ରଇବା ଲକ୍‌ମନ୍ କରବା କାଇ ମୁଲିଅ ନ ରଇବା କାମେ ମିସାନାଇ । ସେଟାମନ୍‌କେ କାଇ ମୁଲିଅ ନାଇ । ତାର୍ ବାଦୁଲେ ସେନ୍ତାରି କାରାପ୍ ଅଇବା କାମ୍ ନ ଲୁଟାଇ ଦେକାଇଦିଆସ୍ । ୧୨ ସେନ୍ତାରି ଲୁଟେ କରବା କାମର୍ ବିସଇ କାତା ଅଇବାକେ ମିସା ଲାଜ୍ ଲାଗସି । ୧୩ ଏନ୍ତାରି କାମ୍ ନ ଲୁଟାଇ ବାରକରାଇଲେ, ତେଇର୍ ସତ୍ ବିସଇ ଲକ୍‌ମନ୍ ଦେକ୍‌ବାଇ । ୧୪ କାଇକେବଇଲେ ଉଜଲର୍ ସବୁ ବିସଇ ଉଜଲ୍‌ସେ । ସେଟାର୍ ପାଇ ଏନ୍ତାରି ଲେକାଅଇଲାଆଟେ,

“ଏ ଗୁନେରାମନ୍ ଉଟା,

ମଲାପାରା ନ ରଇକରି ଜିବନ୍ ରୁଆ,

କିରିସଟ୍ ତମ୍‌କେ ଉଜଲ୍ ଦେଇସି ।”

୧୫ ତେବେ ତମର୍ ଚଲାଚଲ୍‌ତି କରବାଟାନେ ଜାଗ୍ରତ୍ ରୁଆ । ବକୁଆ ଲକ୍‌ମନ୍‌ପାରା ନ ଅଇ ବୁଦିରଇବା ଲକ୍‌ପାରା

ରୁଆ । ୧୭ ✧ ସବୁବେଳେ ନିଜ କାମ୍ କରବାକେ କଞ୍ଚେତେ ରୁଆ । କାଇକେବଇଲେ ଏ ଜୁଗର୍ ଲକ୍ମନ୍ ବେସି କାରାପ୍ ଆତଡ୍ । ୧୭ ତେବର୍ପାଇ ବୁଦିନଇଲା ଲକ୍ ପାରା ନଅଇ ମାପୁରୁର୍ ମନକଲାଟା କଞ୍ଚିକରି ମିଲାଆ ।

୧୮ ମଦ୍ ପେଣ୍ଡମ୍ କାଇ ମାତା ନାଇ । କାଇକେବଇଲେ ସେଟା ତମ୍ କେ ଡିଲା ଚାଡ଼ବା ଗରୁଗାଇର୍ ପାରା ଚଲାଚଲ୍ଡି କରବାକେ ଡାକିନେଇସି । ତାରବାଦୁଲେ ସୁକଲ୍ଆଡ଼ମା ବାନ୍ଦିନେବାକେ ସରପିତଥା । ୧୯ ✧ ଗିଡ଼ ସଙ୍ଗିତାର୍ ଗିଡ଼, ଆଡ଼ମାଇ ଅନି ଆଇବା ବିନ୍ ଗିଡ଼ମନ୍, ତମର୍ ବିଡ଼ରେ କୁଆକୁଇ ଉଆ । ଗିଡ଼ କଇକରି ନିଜେ ନିଜେ ମନ୍ବିଡ଼ରେ ମାପୁରୁକେ ଡାକ୍ପୁଟା କରା । ୨୦ ଆମର୍ ମାପୁରୁ ଜିସୁକିରିସର୍ ନାଉଁଦାରି ସବୁବେଳେ ସବୁ ବିସଇର୍ପାଇ ବାବା ପର୍ମେସର୍କେ ଦନିଅବାଦ୍ ଦିଆସ୍ ।

ମାଇଜି ମୁନ୍ସ

୨୧ କିରିସ୍ଟର୍ପାଇ ରଇବା ତମର୍ ସନ୍ମାନର୍ ଲାଗି, ତମର୍ ତମର୍ ବିଡ଼ରେ ସର୍ପାସର୍ପି ଉଆ ।

୨୨ ✧ ଏ ମାଇଜିମନ୍ ତମେ ଜେନ୍ତାର୍ ମାପୁରୁକେ ସରପିଅଇ ଆଗାସ୍, ସେନ୍ତାରି ତମର୍ ନିଜର୍ ନିଜର୍ ମୁନ୍ସକେ ମିସା ସର୍ପି ଉଆ । ୨୩ କାଇକେବଇଲେ କିରିସ୍ଟ ଜେ କି ତାର୍ ଗାଗଡ଼ପାରା ରଇବା ମଣ୍ଡଲିର୍ ନେତା ଆଟେ, ସେନ୍ତାରିସେ ମୁନ୍ସ ମିସା ତାର୍ ମାଇଜିର୍ ନେତା ଆଟେ । କିରିସ୍ଟସେ ତାର୍ ମଣ୍ଡଲିକେ ରକିଆ କଲାଆଟେ । ୨୪ ତେବର୍ପାଇ ମଣ୍ଡଲି ଜେନ୍ତାର୍ କିରିସ୍ଟକେ ସରପି ଅଇସି, ସେନ୍ତାରି ଏ ମାଇଜିମନ୍, ତମେ ମିସା ସବୁ ବିସଇତେଇ ତମର୍ ମନସ୍ମାନର୍ ଟାନେ ସର୍ପି ଅଇବାର୍ଆଟେ ।

୨୫ ✧ ଏ ମୁନ୍ସମନ୍, କିରିସ୍ଟ ଜେନ୍ତାର୍ ମଣ୍ଡଲିକେ ଆଲାଦ୍ କରି, ତାକେ ସୁକଲ୍ କରବାକେ ନିଜେ ସରପିଅଇଲା, ସେନ୍ତାରିସେ ତମେ ମିସା ନିଜର୍ ମାଇଜିମନ୍କେ ଆଲାଦ୍କରା । ୨୬ କିରିସ୍ଟ ପର୍ମେସର୍ ବାକିଅ ସଙ୍ଗ୍ ଆରି ପାନିସଙ୍ଗ୍ ଦଇକରି ମଣ୍ଡଲିକେ

ସୁକଳ୍ କଲା । ୨୭ ମଣ୍ଡଳିକେ ତାର ମୁଆଟେ ଆନ୍‌ଲାବେଲେ, ମଣ୍ଡଳି
 ଜେନ୍ତାରି କି, କାଇ ମୁରକି ନ ଅଇତେ, ଅସୁକଳ୍ ନଇତେ, କାଇ ଦସ୍
 ନ ଅଇତେ ରଇ, ତାର ବାଦୁଲେ ସୁକଳ୍ ଆରି ସିଦ୍ କାରାଇ ତାକେ
 ଚିଆ କରାଇସି । ୨୮ ସେନ୍ତାରିସେ ମୁନୁସ୍‌ମନ୍ ନିଜର୍ ଗାଗଡ଼କେ ଜତନ୍
 କରି ଆଲାଦ୍ କଲାପାରା ନିଜର୍ ମାଇଜିମନ୍‌କେ ସେନ୍ତାରି କରା । ଜେ
 ନିଜର୍ ମାଇଜିକେ ଆଲାଦ୍ କର୍ସି, ସେ ନିଜକେ ମିସା ଆଲାଦ୍ କର୍ସି
 । ୨୯ କେ ମିସା କେବେ ନିଜର୍ ଗାଗଡ଼କେ ଗିନ୍ ନ କରେ । ମାତର୍
 ତାରପାଇ ଦୁଆପୁଟା କରି କାଦି କୁଆଇସି । ଜେନ୍ତାରି କି କିରିସ୍‌ଟ
 ତାର ମଣ୍ଡଳିର୍ ପାଇ ଜତନ୍ କଲାନି । ୩୦ କାଇକେବଇଲେ ଆମେ
 ସବୁ ତାର ଗାଗଡ଼ର୍ ବାଗ୍ ଅଇଆରୁ ।

୩୧ ଏଟାରପାଇ ଦରମ୍ ସାସ୍‌ତରେ ଲେକାଅଇଆଟେ ମୁନୁସ୍ ତାର
 ନିଜର୍ ଆୟା ବାବାକେ ଚାଡି ନିଜର୍ ମାଇଜିର୍ ସଙ୍ଗ୍ ମିସି ଜାଇସି ।
 ଆରି ସେ ଦୁଇଲକ୍ ମିସି ଗଟେକ୍ ଅଇବାଇ । ୩୨ ଏଟା ଗଟେକ୍ ବଡ଼
 ଲୁଟି ରଇବା ବିସଇ । ମାତର୍ ମୁଇ କିରିସ୍‌ଟ ଆରି ମଣ୍ଡଳି ବିଡ଼ରେ
 ମିସିବିଡି ରଇବା ବିସଇ କାତା ଅଇଲିନି । ୩୩ ସାରାସାରି ତମେ
 ଗଟେକ୍ ଗଟେକ୍ ଲକ୍ ନିଜେ ନିଜେ ଆଲାଦ୍ ଅଇଲାପାରା ନିଜର୍
 ନିଜର୍ ମାଇଜିକେ ସେନ୍ତାରି କର୍ବାର୍ ଆଟେ । ଆରି ମାଇଜିମନ୍
 ତାକର୍ ମୁନୁସ୍‌ମନ୍‌କେ ସନ୍‌ମାନ୍ ଦେବାର୍ ଆଟେ ।



ବାବା ମାଆ ଆରି ପିଲାଟକି

୧ ✧ଏ ମର୍ ପିଲାଟକିମନ୍, ତମେ ମାପୁରୁର୍ ସଙ୍ଗ୍ ମିସଲାରପାଇ
 ଆୟା ବାବାର୍ କାତା ମାନିକରି ରୁଆ । ତମେ ଏନ୍ତାରି କର୍ବାର୍
 ଆଟେଆକା । ୨ ଏନ୍ତାରି ଲେକା ଅଇଲାଆଟେ, ନିଜର୍ ଆୟା ବାବାକେ
 ସନ୍‌ମାନ୍ ଦିଆସ୍ । ଜେନ୍ତାରି କି ତମର୍ପାଇ ସବୁ ବିସଇ ମଙ୍ଗଲ୍
 ରଇସି । ଆରି ତମେ ସାର୍‌ଦା ଅଇ ବେସି ଦିନ୍ ଜାକ ଏ ଜଗତେ
 ବଞ୍ଚିରଇସା । ୩ ଏଟା ଅଇଲାନି ପର୍‌ମେସରର୍ ପର୍‌ତୁମ୍ ଆଦେସ୍
 ଜନ୍‌ଟା କି ସେ ଗଟେକ୍ ଦେଇରଇବା କାତା ମିସା ତେଇ ମିସାଇଆଟେ
 ।

✧ ୬:୧ ୬:୧ କଲସିଅ ୩:୨୦

୪ ✧ଏ ବାବାମନ୍, ପିଲାମନ୍‌କେ ରିସା କରାଆ ନାଇ । ତାର ବାବୁଲେ ସେମନ୍‌କେ ମାପ୍‌ରୁର୍ ବାକିଅ ଇସାବେ ସିକାଇକରି ବତାଆ ।

ଗତିଦାଙ୍ଗତା ଆରି ସାଉକାର୍

୫✧ଏ ଗତିଦାଙ୍ଗତାମନ୍, ଏ ଜଗତେ ରଇବା ସାଉକାର୍‌ମନ୍‌ର କାତା ମାନିକରି ରୁଆ । ସେମନ୍‌କେ ସନ୍‌ମାନ୍ ଦେଇ, ପୁରାପୁରୁନ୍ ମନ୍ ସଙ୍ଗ୍ ନାମିକରି ରୁଆ । ଜେନ୍ତାରି କି ତମେ କିରିସ୍‌ଟକେ ନାମିକରି ରଇସା । ୬ ଅବ୍‌କା ସେମନ୍‌ର ମୁଆଟେ ବଲ୍ ବଲାଇ ଅଇବାକେ ନାଇ, କି ସେମନ୍ ଦେକ୍‌ଲାବେଲେସେ ନାଇ । ମାତର୍ କିରିସ୍‌ଟର୍ ଗତିଦାଙ୍ଗତା ପାରା, ପର୍‌ମେସର୍ ମନ୍‌କଲାଟା ପୁରାପୁରୁନ୍ ମନ୍ ଦିଆନ୍ ଦେଇ କରା । ୭ ତମ୍‌କେ ଦାଇଡ୍ ଦେଇରଇବା ସବୁ କାମ୍ ସାର୍‌ଦା ସଙ୍ଗ୍ କରା । ଜେନ୍ତାରିକି ତମେ ଅବ୍‌କା ଲକ୍‌ମନ୍‌ର ପାଇ କାମ୍ ନ କରି ମାପ୍‌ରୁର୍ ସେବା କଲା ପାରା କରା । ୮ କାଇକେବଇଲେ ତମେ ନିକ କାମ୍ କଲେ, ମାପ୍‌ରୁ ତମ୍‌କେ ପୁରୁସ୍‌କାର୍ ଦେଇସି । ତମେ ଗତିଦାଙ୍ଗତା ଅଇରୁଆ କି ମୁକଲ୍‌ଲା ଲକ୍ ଅଇରୁଆ ।

୯ ✧ଏ ସାଉକାର୍‌ମନ୍, ସେନ୍ତାରିସେ ତମର୍ ଦାଙ୍ଗତାମନ୍‌କେ ନିକସଙ୍ଗ୍ ଦେକାରକା କରା । ସେମନ୍‌କେ ଦାକାପୁକା ଦିଆସ୍ ନାଇ । ତମର୍ ମନେ ରଅ, ତାକର୍ ଆରି ତମର୍ ସାଉକାର୍ ସର୍‌ଗେ ଆତେ । ଆରି ସେ ସାନ୍ ବଡ୍ ନ ବାବି ଦେକାରକା କରସି ।

ଆଡ଼ମାର୍ ଆଡ଼ଆତିଆର୍

୧୦ ସାରାସାରି ପତେ, ମାପ୍‌ରୁର୍ ଟାନେ ମିସିକରି ତାର୍ ବପୁପାଇକରି ତାଟ୍‌ଅଇରୁଆ ।

୧୧ ପର୍‌ମେସର୍ ତମ୍‌କେ ଦେଇରଇବା ଜୁଇଦର୍ ସବୁ ରକାମ୍ ଆଡ଼ ଆତିଆର୍ ସାଜାତିକରି ରୁଆ । ଜେନ୍ତାରିକି ତମ୍‌କେ ସଇତାନ୍ ନାତାଇବା ବେଲେ ତାକେ ବିରଦ୍ କରିପାରାସ୍ । ୧୨ କାଇକେବଇଲେ ଆମେ ଜଗତର୍ ଲକ୍‌ମନ୍‌ର ବିରୁଦେ ଜୁଇଦ୍ କରୁନାଇ । ମାତର୍ କାରାପ୍ ଆଡ଼ମାମନ୍‌କେ, ଆନ୍ଦାରେ ରଇବା ଜଗତର୍ ସାସନ୍‌କାରିଆମନ୍‌କେ, ଆରି ସର୍‌ଗେ କାରାପ୍ ବପୁ ପାଇରଇବା

✧ ୭:୪ ୭:୪ କଲସିଅ ୩:୨୧ ✧ ୭:୫ ୭:୫ କଲସିଅ ୩:୨୨-୨୫ ✧ ୭:୯ ୭:୯ କଲସିଅ ୪:୧; କଲସିଅ ୩:୨୫

ଆଡ଼ମାନର ବିରୁଦ୍ଧେ ଜୁଇଦ୍ କଲୁନି । ^{୧୩} ତେବର୍ପାଇ ପର୍ମେସର୍ ଦେଇରଇବା ସବୁରକାମ୍ ଜୁଜ୍ବା ଆଡ଼ ଆତିଆର୍ ଗଟେକ୍ ସନିଅ ପିନ୍ଦଲାପାରା ପନ୍ଦିକରି ସାଜାଡା । ସେନ୍ତାର୍ ରଇଲେ ସଇତାନ୍ ଆରି ତାର୍ କାରାପ୍ ଆଡ଼ମାନ୍ ତମ୍ବକେ ଜୁଜ୍ଲାବେଲେ ସେମନ୍ଦକେ ତମେ ବିରଦ୍ କରି ପାରାସ୍ । ଜୁଇଦର୍ପାଇ ସବୁ ରକାମ୍ଟା ସାଜାଡି ରଇଲେ ତମେ ପଟେ ନ ଗୁଟିକରି ଚିଆଅଇ ପାର୍ସା ।

^{୧୪} ତେବେ ଜୁଇଦର୍ପାଇ ତମେ ଏନ୍ତାରି ଜାଗରଡ଼ ଉଆ । ଜେନ୍ତାରି କି, ପର୍ମେସରର୍ ସଡ଼ ଆଁଟାବେଡା, ଆଁଟାଇ ବାନ୍ଦିଅଇ, ତାର୍ ଦରମର୍ ସାଞ୍ଜୁ ଜଗାଡି ଅଇ, ^{୧୫} ସୁବ୍ କବରେଅନି ଆଇବା ସାନ୍ତ୍ରି ପାଣ୍ଡୁଇ ପିନ୍ଦି ସାଜାଡି ଉଆ । ^{୧୬} ଏ ସବୁର୍ ଉପ୍ରେ ବିସ୍ବାସର୍ ତେବାଇବା ତାଲ୍ ଦାରିରୁଆ । ଏ ତାଲ୍ ସଙ୍ଗ୍ ସଇତାନ୍ ତମର୍ ମୁଆଟେ ବିନ୍ଦବା ଜଇର୍ କାଣ୍ଡ ଅଟକାଇ ପାର୍ସା ।

^{୧୭} ଆରି ମାପ୍ପରୁ ଦେଇରଇବା ମୁକ୍ତି, ଗଟେକ୍ ଟପିପାରା ମୁଣ୍ଡ ରକିଆ କର୍ବାକେ ପିନ୍ଦିରୁଆ । ସୁକଲ୍ ଆଡ଼ମା ଦେଇରଇବା କାଣ୍ଡା ଦାରିରୁଆ । ସେ କାଣ୍ଡା ଅଇଲାନି ପର୍ମେସରର୍ ବାକିଅ । ^{୧୮} ସୁକଲ୍ ଆଡ଼ମା ତେଡନା ଦେଲା ଇସାବେ ପାର୍ତନା କରା । ସବୁ ରକାମର୍ ପାର୍ତନା ଆରି ଗୁଆରିସଙ୍ଗ୍ ପାର୍ତନା କରା । ଏଟାର୍ଲାଗି ଜାଗରଡ଼ ଅଇରୁଆ । ପର୍ମେସରର୍ ଲକ୍ମନର୍ପାଇ ପାର୍ତନା କରିଲାଗିରୁଆ । ^{୧୯} ମର୍ପାଇ ମିସା ପାର୍ତନା କରା । ଜେନ୍ତାକି ମୁଇ କାତା ଅଇବାବେଲେ ପର୍ମେସର୍ ମକେ ଟିକ୍ ବାକିଅ ଦେଅ । ସେନ୍ତାର୍ କଲେ, ସୁବ୍ କବରର୍ ଲୁଟିରଇବା ବିସଇ ମୁଇ କାକେ ନ ଡରିକରି ଲକ୍ମନ୍ଦକେ ଜାନାଇ ପାର୍ବି । ^{୨୦} ଏବେ ମୁଇ ବନ୍ଦି ଅଇ ରଇଲେ ମିସା କିରିସଟର୍ ସୁବ୍ କବର୍ ଜାନାଇବାପାଇ ଗଟେକ୍ ରାଜାର ଦୁଡ଼ ପାରା ଅଇଲିଆତି । ସୁବ୍ କବର୍ ଟିକ୍ ସଙ୍ଗ୍, ନ ଡରିକରି ଜାନାଇବାକେ ପର୍ମେସର୍ ମକେ ବପୁ ଦେଅ ବଲି ପାର୍ତନା କରା ।

ସାରାସାରି ଜୁଆର୍ବେଟ୍ ଅଇବାଟା

^{୨୧} ✠✠ ତକିକସ୍ ଜେ କି ଆମର୍ ଆଲାଦର୍ ବାଇ, । ସେ ମାପ୍ପୁକେ ବିସ୍ବାସ୍ ସଙ୍ଗ୍ ସେବା କଲାନି । ମୁଇ କେନ୍ତ୍ର ଆତି ଆରି କାଇଟା

କଲିନି, ସେ ସବୁ ବିସଇ ତମ୍ଭେ କଇଦେଇସି । ^{୨୨} ଆମ୍ଭେ ଗର୍ବା ବିସଇ ସବୁ ତମେ ଜାନିରୁଆ ବଲିକରି ମୁଇ ତାକେ ତମରଟାନେ ପାଟାଇଲିନି । ଆରି ସେ ତମ୍ଭେ ସାର୍ଦା କରାଇସି ।

^{୨୩} ଆମର୍ ବାବା ପର୍ମେସର୍ ଆରି ମାପୁରୁ ଜିସୁକିରିସ୍ଟ ସବୁ ବିସ୍ବାସି ବାଇମନ୍‌କେ ସାନ୍ତି ଦେଅ । କିରିସ୍ଟକେ ବିସ୍ବାସ କରି ତମର୍ ବିତରେ ଆଲାଦ୍ କରାକରି ଅଇବାକେ ସେମନ୍ ତମ୍ଭେ ସାଇଜ କରତ୍ ।

^{୨୪} ଆମର୍ ମାପୁରୁ ଜିସୁ କିରିସ୍ଟକେ ଜେଡକି ଲକ୍ ଆଲାଦ୍ କଲାଇନି, ସେମନ୍‌କେ ପର୍ମେସର୍ ତାର୍ ଜିବନ୍ ଦୁକାଇଲାଟା ଆରି ନ ସାର୍ବା ଆଲାଦ୍ ଦେଅ ।

ସତ୍ତ୍ୱିୟ ବାବ୍
The New Testament in the Desiya language of India:
ସତ୍ତ୍ୱିୟ ବାବ୍ (Bible)

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

ସତ୍ତ୍ୱିୟ ବାବ୍
ଦ୍ୱିତୀୟ ନିୟମ, 2020

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde